

宣城袁中江詩集

卷



978526

中江紀年詩集卷之四

宣城

袁枚

題

書

丁卯

長干喜晤靳明府

山堂一尊酒憶與故人別經年曠音塵離情那可
說迢迢翠巘高皎皎澄潭潔不聽長干鐘曷慰愁
腸結促坐轉無言殷勤望秋月

雨中坐靳明府秦淮寓樓觀秋漲作

升

草綠秋城水氣涼六朝煙景晚蒼茫捲簾並坐送

中江詩集

卷四

殘暑橫笛一聲過野航垂柳漸低朱檻外輕鷗斜
泛小橋傍衣香鬢影消沈盡雲雨重迷舊院墻

贈范宗文都閩

湖海識人豪風塵仗寶刀功名三峽遠意氣五陵
高避世探書篋還家洗戰袍相逢山水際一笑撼
雲濤

蔡璣先鉉升兄弟招集分賦

同梁賈人梅定九杜湘草方望

子沈方鄒莊扶晨姜勉中方寶臣梅綱長吳蔚園杜且瑜姜萬石

秋風昨夜變陵苕叢桂香中月影搖夏會君能招
舊雨高譚人許坐清宵簾前衰柳三更雁門外寒

煙百尺潮真羨烏衣羣從美到來酒賦興偏饒

雨中飲朱四均半水園限韻二首

辰柳公韓
蔡鉉升

細雨林塘煙景殊匹鄰臺榭似虛無浮雲晝壓黿
鼉窟積水宵臨島嶼圖照眼秋花垂几席忘機野
鳥狎菰蒲倘容卜築來相傍共縮乾坤入玉壺
向夕開尊席數移柳絲深處得秋遲苔昏石氣侵
衣滑竹覆墻陰帶雨垂故國風流存想像平泉花
木舊逶迤銅盤絳蠟扶歸客半醉中宵有所思

重陽日黃康謠置酒北固登高聽老兵說孫

劉結姻事戲爲作歌

中江詩集

卷四

甘露寺前江水波木葉半脫層巖阿主人登高酌
我酒酒酣聽我歌放歌大江來自岷峩北千里驚
濤流不息天塹寒生水雪堆海門浪蹴黿鼉國當
年漢末走羣雄長沙破浪來江東養子常如孫仲
謀三分割據稱黃龍閨中小妹亦奇絕房帷刀劍
多英風中山王孫時失勢英雄兒女聊遊戲秦晉
交深花月筵孫劉釁起登臨地走馬猶高帝子風
操舟且笑吳兒利此事消沉千百年長江東去水
連天驍騮無跡苔空綠狼石埋燼事在然南徐形
勝流傳久煙雲變幻君知否已見江山送六朝幾

經風雨催重九攬勝難忘擊楫心開尊且鬪持螯
手今日剛逢天氣晴遙空幾點去叱輓魚龍戰罷
江流寂明月空懸大將營按孫劉結姻不在京口
偶感稱官所載故游戲
之及

金山四首

鐵甕江山鎖鑰雄中流一柱闢鴻濛氣吞吳楚開
天塹力撼乾坤見禹功玉帶春生瓜步水石簾潮
咽海門風人間不信金銀界一夜光輝現梵宮
金刹玲瓏接杳冥憑虛直俯四天青煙橫下界空
涵水身到高臺欲犯星五夜蛟龍趨洞壑百靈風

中江詩集

卷四

三

雨徙滄溟紗窻畫壁層層見東海渾疑此再經
闕盡滄桑只等閒風帆浪楫畫圖間何年野衲題
詩去午夜飛仙控鶴還地近龍蟠天杳靄山分駭
背水潺湲到來直欲吞雲夢點點驚濤濺客顏
貝嶠方壺杳不聞此間臺殿迥奩中冷水脈遙
通海浮玉香煙摠化雲藹藹金題籠曉日微微仙
梵隱斜曛南朝往事消沈盡留取僧鐘到夜分

焦山四首

天末孤懸萬仞峯江光四面絢芙蓉鯨波吞蝕無
終古蜃氣憑陵更幾重山頂石留高士碣海門潮

應法王鐘人間煙火茲行盡我欲凌虛控赤龍
瘞鶴仙人去不回山林宵冥接蓬萊孤筇已出青
霄立絕島誰鞭白浪來塵垢力能超五岳形骸真
欲鑄三才漢家隱士留湯沐長取江煙護酒杯
叢篠攢崖萬壑蒼凌空磴道自陰涼僧厨亦帶魚
龍氣客袖頻沾松柏香不信山根蟠水府終疑螯
背現虹梁豫愁一夜臨風去鼓棹重來路渺茫
松寥高閣俯巖阿巖下驚濤打薛蘿神女弄珠乘
月出漁人吹笛帶潮過紅顏羽翰千年少碧海星
辰半夜多三詔至今遺跡在倘容結宇傍滄波

中江詩集

卷四

何雍南程千一招飲賦贈

廿載孤遊黯自傷羨君同調喜偏狂人將庾鮑誇
京口天輿金焦照草堂沙上鷗羣波渺渺津頭龍
氣雨蒼蒼黃花白酒論文地千古心期在夕陽

春申君墓

在江陰
縣君山

李園進奸計朱英有深計志貪神易昏從違成倒
置邾秦亦何豪謀楚亦何利只爲兒女私遂失英
雄智徒令千載人感歎棘門事我來登高邱墟墓
風塵翳江波終日流海水不時沸竊歎泉下人當
年誇好士賓客咸雍容宮室何瑰麗能令子爲王

有身不自庇究其爲亂由不能肥仁義

澄江署中陪李醒齋先生月夜泛舟

風靜牙旗夜氣清官齋秋水映江城霜涵翠沼娟
娟淨月轉寒枝故故明退食每深魚鳥興臨流真
起泳游情年來湖海成漂泊共濟終須托此生

鰻魚嘴乘月夜抵水陽

肩輿出勾茲三舍日已暮前岸見墟煙窈窕明沙
樹昏鴉自相喚徒御屢回顧軋軋遠杼鳴皎皎寒
月素向來桑梓地親串于焉聚別去經幾年人事
非昔故誰能久叩門且復遵吾路山川夜沈寥鷄

中江詩集

卷四

五

犬無垂誤咫尺枌榆情懷哉野水步今夜西堂眠
姜被好同語

繇蘿山訪馮氏親行至黃泥蕩宿與諸宗老

夜話

山村接水村他年月一至姻黨與族黨居皆接壤
地杳靄蘿山陽世族馮所萃園林有異態書史羅
奇秘花開嘗共招酒熟我輒醉轉盼十二年繁華
已零悴青山半白骨門庭雜蕪穢蕭蕭憶昔遊黯
黯墜雙淚出門經常山松葉亂蒼翠巾車行碧陰
不啻春明媚但覺蹊徑新渾忘舊時詣透迤轉前

岡村落多幽邃樹杪眩湖光山均明夕霽父老秉
耒耜兒童狎雞彘蒼然見客來欲避還省視知爲
本宗人歡笑不忍棄初筵事鷄黍夜話根仁義居
然太古風不省漢晉事世世能如此吾宗以不墜
人憶與先爾賢叔遊雲山洞宿古寺中乘月沽
酒魯橋屈指二十年事驅車舊遊地感愴
繫之

仙洞蒼茫歷翠微竹林猶記舊音徽聞鐘野寺鐘
僧飯沽酒山橋帶月歸往事驚心愁黯黯寒煙媚
日靜暉暉人生到處皆陳蹟華表何須歎令威

中江詩集

卷四

六

投宿建平縣

城郭鎖寒煙月明見茅店斗酒三十錢那得尙醺
醺

桐川喜遇梅耦長卽偕遊范公池

驅車當歲晏冰雪一孤身不意空山路還逢我輩
人破愁須命酒遣興卽垂綸爲愛前賢蹟蒼茫問
水濱

戊辰

題黃康謠光霽樓

海門喧夜雨散作一江濤忽湧扶桑日登樓霽色

高玉峯浮几席鐵甕俯林臯叔度襟期好天風吹
鬱陶

宋牧仲先生新擢江蘇方伯聞去冬已赴任
契濶八載結想爲勞今得蒞吾吳地故人
顏色相見不遠卽事志喜情溢乎辭途中

先寄四詩

銅馬門前憶別離勞君尊酒共題詩

辛酉八月事

十八年

風雪懷人遠萬里關山見面遲齊魯祥刑纔幾日

公遷山東觀察甫六月卽有是命

燕雲建節已多時

別後公分巡通承者六年

今朝喜側幘幪下舊雨欣欣敢自私

中江詩集

卷四

七

忘形猶記侍京華解榻分餐共一家夜爨名香消

禁漏曉吟庭樹散天葩每乘北關朝參罷坐對西

山煙月斜車笠誼深真忝竊終慚憔悴混泥沙

夙昔雲泥分已殊轉因交厚忘榮枯音形雖遠存

肝膽道義無慚謹步趨避世子仍棲土室得時君

已駕天衢睢州遺愛茲猶在

湯潛庵司空爲公膏烟媪先數年撫吳

澤還期沛五湖

朝廷昨下蠲租詔民力東吳已盡寬知有懽聲騰

隴畝定將詩卷媚林巒包山夜雨春帆滿鄧尉花

香翠憶寒此去倘容同點筆青簾畫舫足盤桓

雨後遊錫山題惠泉亭

垂梢嫩柳青濛濛
滌波小艇搖東風
日午相攜向山路
新鶯嬌澀鳴芳叢
風景人誇惠山好
及到山中信窈窕
突兀鈴宮轉畫橋
離披老樹垂纖蔦
最上一亭殊灑然
中涵乳竇流涓涓
甘香足匹中濡勝
的是人間第二泉
昨宵雨濺青皋濕
雲液沮洳蒼霧集
白足瞿曇夜濬池
青裙小婦朝行汲
山下人家善酒酷
肩摩擔負相灌輸
釀成封識春泥美
馳名直欲傳通都
野夫性耽山水癖
亦復好飲不辭劇
安得移家傍此泉
醉飲醒遊竟日夕

中江詩集

卷四

八

遊秦園六首

名園恰傍惠山開
山上流泉山下迴
碧砌紅欄好光景
吳娃爭盪小舸來
百頃寒漪映綠楊
鴛鴦黃鶴自迴翔
虹梁一道憑空度
幾處朱櫺鎖曲房

東風斜峭雨痕新
點點梅花糝翠茵
亂踏小峯行
筇屐籜龍初起欲
捎入

石磴縈紆縱復橫
鳴泉曲曲響淙琤
分明記得黃山路
一線天中拄杖行

高臺曲榭占羣芳
紫藥紅蘭各著行
寄語主人休

浪擲馬蹄爭賭燕泥香

難到山莊莫易回黃鶯啼過夕陽催林泉怪道多
芊麗曾是君王駐蹕來

題菰川隱居圖二首爲張秋紹處士

最好梁溪煙月鄉畫船簫鼓映滄浪就中一派青
菰水偏有幽人讀易堂

高人世味與嘗殊解舍漁莊樂事俱我欲溯遊君
健在秋風同釣季鷹鱸

雨中登虎邱

積雨洗山容臺館隱葱蒨曲磴何蕭蕭蒼蘚生石

中江詩集

卷四

九

面劍氣亦以收池水光如練向時騁芳遊每逐香
車轉美人今不來何處捨遺鈿

謁宋方伯于金閨官署留宿話舊兼示令嗣

維德山言

八載此相見執手何慨慷驚喜轉無言別緒紛難
詳風雨交庭柯暝色延中堂暫屏簿書役暱就芟
荷裳開君官閣門坐我湘竹牀怪我音信稀驚我
顏髻蒼圖書雜鼎爨燦爛兩行依然京雒風復
此華鎧光公子左右列譚笑杯行涼風昔黍石交
並侍君子傍詎意鶴鳴陰還挾二雛翔所持徑寸

心忘分共相將旗門動寒角漏鼓聲飄揚展轉不
忍寐援筆製斯章

西陂雜咏六首爲牧仲先生賦

春堤湖水多森森煙蕪綠上有榆柳陰照見幽人

屋

右諫
波村

鳴却白疊巾借來青蕩笠少見茅檐下風吹孤影

立

右劉家

秋虫響籬根明月亭亭下中有借隱人青鐙坐遙

夜

右緯蕭
草堂

逃禪非隱者几榻殊翛然一片白雲心虛窻人晏

中江詩集

卷四

十

眠

右和
松庵

欲渡西陂去遙波空夕陽小風吹畧約一陣水蒨

香

右苳梁

朝看刷雨去暮看逐羣還一朝復一暮搖蕩綠蒲

問

右放
鴨亭

上已遊支硎山

籃輿山色裏歷歷媚晴春最愛支硎勝遊當祓禊

辰羣蜂迎翠袖嬌鳥散花茵一片吳閭影東風碧

漸勻

千尺雪

卽寒山

眾綠淨娟娟曉巖響一泉清光能鑑髮寒影不分
天漸近無人處真疑太古爭崢嶸趙處士長共此

山傳

明趙凡夫居此死葬其
中俗呼此山爲趙墳

同康謠遊靈巖山望太湖是日士女雲集

春風吹送履綦香水濶雲多見渺茫空際煙鬟如
欲語望中沙鳥不成行來同紅袖穿芳樹歸坐籃
輿下夕陽莫向山僧詢響屨落花芳草斷人腸

西施履跡

碧纔細鈎石髮中千年遺跡怨東風香魂已逐亡
吳化猶踏嬌花寂寞紅

中江詩集

卷四

十一

響屨廊

響屨無聲有碧苔空廊客到自徘徊山花不管人
閒恨一度春來一度開

重遇虎邱清明較昔尤盛戲成一律

勝事年來夢未忘春風依舊到山塘柳遮畫舫鶯
笙咽花亞紅欄麝粉香媚客鶯喉無別語帶入雲
髻有新粧不教老大心情減逐伴還應恕酒狂

虎邱玉蘭花樹歌

虎邱玉蘭花樹奇交枝古幹相離披從根至頂五
千尺麗質全虧佛力持巨石撐撐樹腰折石入樹

腹樹吞石不知經歷幾春秋樹石相含兩無別花
時香瓣盈珠宮瓊姿玉蘂春融融招來縞袂青天
上扶出水肌白月中花枝一節花千朶千嬌萬態
韶光鎖疑是莊嚴瓔珞身中天散落明珠顆歲歲
山塘寒食天翠鈿紅袖紛留連穿花闌入空王宅
柳折爭貽繡佛前筍輿軟屐今來過花枝正放春
無那淪茗閣收小院香燃鬚共踞盤根坐城南蔡
叟真我曹蔡九重理山房舉濁醪花光照洒洒如
雪一酌兩酌墻陰高對此徘徊不忍去花氣濛濛
春似霧安得更擁如花人來到花間十日住

中江詩集

卷四

十二

贈王石谷惲南田兩畫師歌

宣和已往畫苑蕪殘煙漠漠交枯株江山亂後景
蕭瑟六朝金粉誰能圖百年才人具逸氣麝煤點
染生靈異夢澤天寒程侍郎孝威程端伯長江平遠蕭

高士

燕湖蕭尺木

同時妙手數東吳東吳繪素天下無

西田蒼潤

太倉王烟客

香山俊

常州惲道生

至今王惲多門

徒石谷家任尙湖傍湖山照映生輝光毫端往往
含元化一水一石精微茫直駕荆關匹董巨愛者
不惜千金裝南田磊落雄文筆毘陵煙水開魚莊
閉門別譜徐熙格十指之下傳芬芳情移目翫真

宰露花鳥幻出丹青良竭來相遇姑蘇市各呈嫌
素誇能事穠華巧奪上林春巖巒興發雲門寺是
時天氣豔青陽高樓百尺梧桐香疎檣茶熟人間
坐深院花飛笛滿床譚諧漸密鸞歌促一縷爐煙
生紫竹都將韻事補平生重展生綃三兩幅滄桑
陵谷何足云等閒富貴徒紛紛安能長傍二子在
圖畫世間萬事皆浮雲

和韻贈石谷索畫

生綃一夜卷滄浪吹落丹青碧海長更欲先生貌
松壑千峯六月坐陰涼

中江詩集

卷四

十三

哺園詩爲李氏兄弟作

南山有老烏繞樹雙飛翔一朝朱鳳死雄烏爲國
殤枝摧巢亦傾烏母增徬徨啞啞者二雛毛羽未
成章朝啣泣南岳暮啣啼北邙一母挾二雛銜食
東西鄉迄今三十年頭白如冰霜二雛托一枝將
母在高堂有粒奉母啄有羹奉母嘗爲築反哺園
烏烏心煩傷

客有詢予屈江上者賦此代答

山人豈是厭山深爲愛寒江浣客襟鷗鳥總忘爭
席意漁翁真有濟川心靈潮夜起吞南北神雨朝

飛變古今不信請看礧石上時時端坐聽龍吟

淮上送王佩可孝廉歸蘭州

阜蘭天盡處有客據征鞍乍起三年病佩可病留金陵三載

謀歸萬里懼黃河西戒遠寶劍北風寒予亦之燕

市臨流別爾難

得宋公牧仲開府江西之信却寄

開籓幾日鎮東吳又擁旌麾向蠡湖丞相家風還

秉鉞

商邱相公先由巡撫內召

中原才子重分符風清鐵柱蛟

龍徙雨過松門虎豹趨此地舊留徐穉榻倘容牧

拾待潛夫

中江詩集

卷四

十四

大雨抵紅花舖

峒崕山下草如煙雲擁征車馬不前地折去猶迷
逐鹿天荒芒碭失飛鳶泥途潦倒終何補官驛蕭
條絕可憐半醉燎衣向殘竈百年心事一茫然

沂水

漸晚過沂水方舟涉亂流風塵俱不到沙鳥自相
求賢哲留遺韻雲山動旅愁却思茅舍畔終日弄
江鷗

嶽廟十六韻

胚胎搆天地川嶽判陰陽闢畫青齊秀網盃紫炁

光生寅佐南斗出震主東方朱殿神靈秘立宮氣
象昌明禪肇虞帝封禪陋秦皇漢柏森森立唐槐
葉葉香金函儲檢冊畫壁肅冠裳儼若干官擁環
看列宿張高城疑禁籙法鼓應宮商烏語碑陰外
花明輩道傍和風融瑞筴瞰日掛扶桑河海雙襟
帶乾坤一混茫棟雲霏靄靄簷樹鬱蒼蒼岱頂晴
嵐接門端白練翔構櫺遺壯麗廊廡遞清涼欲自
窺元化齋心挹瀼漿

不及登岱悵然有作

半生勤仰止及到失攀躋坐愛松雲色蒼蒼百里

中江詩集

卷四

十五

齊天門沉紫氣日觀隔丹梯太息名山願風塵誤
馬蹄

嶽下懷王阮亭先生

嶽色蒼茫掛夕暉故人顏髻此中違何當手挈漁
陽句扶杖高唸入翠微

德州店中題壁三首

雄心消盡馬蹄勞暫拂塵沙解佩刀暮擁邯鄲雙
翠黛一天星露醉葡萄

不比吳孃解唱歌忽雷雙手自婆娑邊關一夜如
風雨魂夢悠悠遶黑河

酒醒鏡昏角吹愁天河斜掛御河流馬嘶殘櫪人
驚起獨倚危墻看斗牛

趙北口四首

已是燕雲十六州天留風景使人愁湖堤一派江
南意只少吳娃打漿遊

草色青青紅藕香藕花香與碧波長行看波影連
花影白露一雙明夕陽

十里長堤是柳堤煙絲斜拂板橋低漁人刺艇穿
橋過綠葉濛濛去不迷

風景銷魂孰最優江南佳麗數邗溝當年若解此

中江詩集

卷四

十六

中趣不向雷塘夢裏遊

燕市五首

短犢重來宣武內琵琶羌管怨黃昏悲歌易下征
夫淚寒水難招壯士魂舊日酒徒皆雨散多年邊
馬尙雲屯西河沿上垂垂柳猶認當時擊劍痕

長夏陰雲雨不乾天街流水黑漫漫滹沱南去迷
官道山海東來沒馬鞍羽騎終巡沙磧遠鐵衣誰
問玉門寒年來甲士橐弓久錦罽奇文穩卧闌

黃金寥寂舊高臺赤日風雷易變猜花落九門人
盡散星沈雙闕霧難開蒼鷹側翅紛朝暮白鶴盤

雲獨往來無事空齋閒博塞醉燒銀蠟倒尊罍
白榆紫塞接新秋彈鋏無端萬里遊西苑清波通
渤海太行落日照神州閒驅歎段終懷古醉把千
將欲破愁漫道平津舊開閣短衣顛顚復何求
鄖襄南下忽烽煙大別山頭羽檄傳江介驚波愁
赤子草間羣盜逆高天白雲望舍雙垂淚清夜憂
時獨未眠萬事那如歸計穩故鄉風月滿林泉

竟歸

昨出偶然出謀歸得竟歸秋風吹薄夢今夜到園
扉世亂思鄉井時艱守蕨薇預將書一紙消息達

中江詩集

卷四

十七

親闈

留別李公醒齋

納納乾坤大悠悠湖海寬自應甘草澤豈敢怨飢
寒夜雨收龍劔秋風據馬鞍濟時公等在底用急
彈冠

京邸留別十六絕句

白髮詩人錢飲光處士錢澄之據鞍顧盼客漁陽而今

輸我歸鞭蚤閒殺縱江舊草堂

秋谷少年能作達趙編修執信方山垂老尙爲郎謝員外重

舍人下直金華殿馮中書死好憶題詩坐晚涼

宛陵冠蓋盛當年桑梓凋零近可憐稍喜繡衣兩

使者封章一一映前賢

梅桐崖錫阮于岳爾諒

鴻臚閉戶堆書案

劉蕙庵楷

檢垂校簾弄藥牀許忠不

寄故鄉書片紙漫憑尊酒滴河梁

將軍勳業重關中公子聲華更不同

張鳳舉雲錫靖逆侯第三

子愛客吟詩蒔花竹繡簾小几坐當風

華州解元頗跋扈

張子餘曾慶

酒酣以往氣堂堂結交

予亦飛揚者遊俠他年兩擅場

健筆掄元羨甬東南雷提唱有宗風

范會元光陽為餘姚黃太

冲處士高弟獨存古道長安市瀉慙心期處士同

中江詩集

卷四

十八

尉陀臺畔梁芝五

梁庶常佩蘭

垂老纔探中秘書判別

十年剛一見見時重別費踟躕

白下論交有數公溫陵博雅更稱雄

黃徵君虞稷

正許

量詩倒筐篋那教分手忒匆匆

迦陵小阮推陳枋

陳大學次山其年姓

杜老東床有葉籬

葉布

衣桐初于皇婿燕市城南齊擊筑何如歸去共邱樊

昨遇梅岑卧酒肆

田布衣登

見余大笑劇顛狂逃禪未

了走燕市拋却春花老蜀岡

梅岑向曾祝髮今娶妻歸維揚

當年文酒盛燕臺座有洪生笑口開

洪昇

今日高

梁重惜別離筵還伴舊于鬣

朱梅人載震西十月朱牧仲

憶余

京師二子同職送行詩今來長安惟二子爲昔日故人

錢子精神微必到錢文學名世胡翁筋力老偏強胡上舍渭

生公卿幸舍多分席只似袁郎太蹶張

廣平風誼向來殊兄弟論文勝事俱開府揚旌工

部死阿咸今亦癡狂夫宋戶部起撫軍收仲姪工部郎子昭之

尙湖劉郎作狡獪劉儉書恒士白日走馬長安街逼向

侯門傳譯語何如花下唱吳娃劉精備書時教習諸庶常

松臯二十稱詞傑程中書仕亦有王郎共唱酬王進士原

袞金門盡才彥闕余獨泛五湖秋

張家灣發舟遣懷四首

中江詩集

卷四

曙色明蘭榭煙光動薜衣驟臨秋水濶真覺市塵

非野鳥行相喚山雲嬾自飛此中獨徃意任與世

入違

恥作依人計難忘破浪情天高容浩蕩水急依澄

清耕稼歸須學縱橫術未成年來書劍具漂泊誤

浮名

經時違色養腸斷望江村枕漬新珠淚俟寬舊線

痕辛勤歸井邑甞勉慰晨昏蓬華秋光裏雙雙應

倚門

兩月行遊戲翻飛卽故林到應懽稚子歸好狎珍

禽鴻爪誰留跡龍脣自賞音深閨今夜力猶自掃
寒砧

贈岳星士道平

八年前過臨清城炎風吹枯沙草頽闌版無聲舴
艫漉短衣躑躅巡檐行一老指點說仙宅誰與盲
叟岳道平爾時無聊意紊亂正欲撥悶憑星評柴
門曲曲轉委巷竹簾木几聲敲鏗手揮白箠抗賓
主轉喉吐論何錚鉞三才七政如珠貫二十八宿
歸權衡從者舌橋不能下我亦對床雙目矐別經
一一著奇驗重來潦到心怦怦維舟細訪舊時路

中江詩集

卷四

二十

秋風猶認土墻明曩年片刻君那記再譚如證前
時盟丈夫豈得老牖下說我文士當論兵何不蚤
投定遠筆何不去請終軍纓長攜做籠走寓縣草
橋茅店空咿嚶漫學榆枋捨斤鷄直跨滄海翻長
鯨男兒作健立宇宙暢達亦似春間英干將莫邪
既在世棄時看爾光崢嶸我聞君言驟然笑我且
歸去尋柴荆

中秋阻風黃河

獨浪喧如此良宵思悄然白雲高枕落孤月大河
圓留滯客千里淒清風滿船故園兒女夢今夜傍

誰邊

韓侯釣臺歌

赤龍不作炎精歇，突兀高臺留楚澤。侯去猶飛芒
碭雲，人來獨吊淮陰月。竹竿嫋嫋水粼粼，蓴食英
雄嗟苦辛。我歸亦坐江頭石，遙望王孫作比隣。
莫武南昌熊大司空，挈家實應維舟奉訪談。讌兩
幸晨夕呈贈二首

幸晨夕呈贈二首

公孤事業近何如，且向江湖暫卜居。鄉信漸親彭
蠡雁，閒身欲羨射陂魚。雲迷冀北風波遠，木落淮
南雨露疎。他日漢家思上佐，股肱應屬老尚書。

中江詩集

卷四

二十一

城隅一曲隱滄浪，客我論文對舉觴。花下圖書輝
玉燭，日邊袍袖散天香。儘摺嘯傲林泉夕，漸許追
隨煙月鄉。終晏竟忘元老貴，連朝談笑洽胡牀。

李老師更號苦齋率題

溟沉不可旦，風雲渺何許。美人抱幽懷，寂寞耽茲
土。敗茅棲寒暄，荒堦散晴雨。垣頽薜荔羈，徑仄軒
車阻。守拙窮陶潛，長吟苦杜甫。淒淒春日暉，肅肅
秋清宇。抱膝無多暇，一編自今古。茗竈置蕭闕，松
風吹礪石。窮交有時過，糟床壓清醕。促席恣幽歡，
盤餐供延佇。人靜荒原平，倚策經隣圃。居鄰太古

風相值無多語時許生過談幽懷盡傾吐中原昔
全盛鷄壇建旗鼓聲名洛下傾知交錯吳楚一朝
沙露翻秋風折蘭茝投教西河干桃李遍芳塢垂
老方愛閨幽棲託茲墅數椽不蔽風聊自得所處
俯仰在千秋斯心苦復苦

次韻奉答李苦齋老師教

艱難吾道合相依悵望荒谿那更違三尺雪堦人
未遠十年槐市事多非墻東公且猶青鬢門下生
今是白衣石穴藏書探未得奚囊短劍更誰倚

到家見秋花叢開喜而有作二首

中江詩集

卷四

二十二

南國有佳色歸來秋正妍秋花亦難名爛熳草堂
前朱紫相照綴天日增明鮮悟彼雨露恩弱植無
棄捐時來發其英光采能自宣豈無青松枝孤根
誰與憐

游子昨日歸掃滌花間房今日賓友來談笑花下
床客行逾半年念此不能忘何意清秋中看花返
柴桑東隣有釣徒饋鯉尺半長烹鯉舉濁醪醉卧
花中央

宿魯明江望蟻磯

煙浪層層殿影搖霜天明月靜中宵英風不散夫

人廟一片靈旗捲暮潮

泊銅陵

花堰城邊煙靄微，瑞瓏磯上掛斜暉。
長年打槩入河汊，驚起一雙沙鳥飛。

客青陽悶甚喜梅雪，坪至遂商九華之游。

芙蓉城郭冷禁霜，獨聽寒禽噪竹房。
意外親知欣會面，天涯茗酒笑聯床。
一年別緒同流水，九子高峯照夕陽。
便得與君共登涉，蘿煙松月影蒼蒼。

蓉城冬夜讌集詩

同集爲張南村梅雪坪即趙客主人曹司馬寔庵

堀堞城寒原，緞駁霽遙甸。
濯濯圓靈清，厯厯岷巖巖。

中江詩集

卷四

二十三

現微燠破玄冥，長宵開廣讌。
撫鼓錯華裾，褰帷躋英彥。
列罌甘醴充，園桉嘉肴薦。
芳馨溢齒頰，譚笑脫纓弁。
棲禽響集臯，疎幹危楮院。
枌棋耀頰素，臺隍隱峭蒨。
精明轡撫金，樞文窗縈縞。
練說劍蛟鴻，駭微奇夔翹。
炫意氣真頗，俄詠嘲亦婉。
變鳴葭律呂，飄遷座更籌。
轉陽生煖，漸回興愜夜。
堪衍賢主敬，愛客深爵洽。
所眷投分義，自親論文跡。
欲踐勿昵軒，冕重薄劣陋。
衰賤承顏沾，好會豁達恣。
流涵今否劇，歡暢明恐零。
霜霰睇聽慮，已燭崢嶸景。
方晏懷翰抽綺思，冷風扇餘善。

甲子嶺

羣峯天半自仙仙翠竹蒼藤入暮煙漫道山中無
曆日記來甲子是何年

九華金地藏肉身塔歌

沉寒凝海當立冬九十九點浮晴峯夜踏丹梯宿
齋室靈輝瓣瓣開芙蓉神光上絢碧嶺赤萬象窈
窕黃金容巍峩鍊鎖掛霄漢下決踵趾高摩胸塔
劫陰森朱棋護六時天樂鳴杉松暹羅儲王覓真
諦隻航西渡開禪宗袈裟一領布諸界巖嶸錯落
花蒙茸幽谷無私慧日曜拔提脫屣金沙封至德

中江詩集

卷四

二十四

以還歷千祀遍走婦孺奔商農法雲繚繞香霧暗
東西南朔攀從號刹竿往往示靈異殿閣處處聞
笙鏞迦衛國子涅槃後纏以白縹千張重貝多羅
樹旃檀燄金棺燎發天香濃何如茲藏窆真骨竇
姿妙相留堅墉東巖古洞白雲出片石猶印雙趺
蹤共命之鳥遍山谷萬品四照光溶溶風泉激越
抗深竹雜以仙籟聲錚琮眾峯環峙一峯秀亂壑
響應空天鐘髣髴當年面壁意判將此事詢黃龍

宿九華僧閣

山樓出雲際正對東巖松推窻見朝暉照曜金芙

蓉石竹有奇態煙光無定容欲參向來意寥歷諸
天鐘

李太白祠

有司歲一致祭

采石騎鯨去茲山有祠堂歲時崇俎豆詞賦見輝
光曉日雲松媚寒煙澗草香僊靈冉冉降斗酒未
應忘

陽明先生祠

一片東巖石千年見道情空山留勝蹟遺廟聚精
英星日光芒在松筠氣象生先朝數賢傑卓絕兩
文成

中江詩集

卷四

二十五

龍母泉

空山漱哀玉勺水光徘徊中宵雲霧生疑抱寶珠
來

東巖

山形如舟創立千仞巖端有脚踪相
傳是地藏布袈裟處堆雲洞在崖頂

石竹蒼蒼細路分半天香霧吐氤氲何年妙相花
中現午夜踈鐘樹頂聞洞壑凌虛疑泛海袈裟布
地盡成雲扣門欲證無生訣山閣茶煙坐夕曛

同張南村出九華卽送之皖城

勝遊幾日快冬晴攜手芙蓉入太清芒屨乍離煙
際寺荷衣又歷雪中程溝山夕照迎舡出秋浦寒

潮向客生我亦蹉跎當歲晏玉壺酒罷不勝情

題畫二首

春原林薄帶芳村流水新添畧約痕獨刺小舸何
所待山翁花發未開門
月明風露照深秋溪岸人家夜色幽無數寒鴉棲
不定柳絲煙裏見維舟

寺閣聽雨同雪坪冬夜作

小樓高出白雲間歲暮寒燈照旅顏簷面滴來龍
母水鄉心飛去鶴兒山空江雁陣聲迢遞清夢梅
花人往還賴有枌榆舊同社酒醒支枕話潺湲

中江詩集

卷四

二十六

閑步寶靈觀

貝嶠千竿竹高原四面山過橋雲碓冷臨水藥房
閒冬暖碧煙秀天清白鶴還荒林羽衣客多不似
人間

山城曉霽

霜曉初鳴升盈盈照羣木此時高樓士擁膝坐深
竹遠岫澹爲雲寒溪粲如玉薄霽浣煙條參差見
茅屋

青陽妙音寺閣聯句

昨嶧呈煙靄

梅庚

闌闌錯林薄暉暉夕景馳

袁啟

閑

閃寒燈作怖鴿搶欄牙庚伏狻噴銀鬪香臺拾級

登旭危塔捫星却殿角響琅璫庚幢陰颭瓊瑤風

艤江客臻旭雲屨山霧諾暢此夙侶諧庚羌無折

簡約威儀踞龍樹旭踟趺詢虎落神嶺金燭霄庚

旃龕珠瘞壑援愚手自垂旭勾芻踵相索闔余昧

真如庚憑誰詰荒噩杜機害馬祛旭脫械窮猿躍

微尙脊軀嶽庚勝情決緘鑰跡同茵溷飄旭撰許

零沂各述作豈徒然庚步趨仍惕若仙乎蓮嶠筇

旭適矣桐川酌跌宕匪自今庚分張緬猶昨參差

日下鑣旭邂逅風中籀歲月去堂堂庚羽毛誰鶴

中江詩集

卷四

二十七

鶴瑁催陽線回旭暖結氷稜弱冥心穿溟滓庚銳

師截沙漠工數姹女錢旭戲効井公博豈貪蕩佚

酖庚聊解羈愁縛蠶烹貴池魚旭美意長林藿來

棄剗興佳庚別慮謝懷惡它年續勝遊旭題詩驗

齋閣庚

題雪坪畫冊寄汪右湘五首

竹梧山徑晚蒼茫有客扶筇渡石梁疑是阮公溪

畔路水泉聲裏綠槐香阮溪右

仰面看山山不遥層空飛瀑捲水綃東風翦翦扶

留弱披拂行人過板橋

千里懷人待月明九峯縹緲夜吹笙誰教一片蒼
茫裏獨向亂松深處行

紫霞一縷斷春煙箇箇松筠在眼前拄杖吟詩君
記否山村茶熟試新泉

樓閣參差碧嶂新雲英如水氣如春分明一幅仙
山景却喚桃花潭上人

巳巳

貊盤洲吊古

春江楊柳凝煙綠春水盈盈細如縠少女微風一
霎生十幅蒲帆吹不足寄奴王者真英雄此地曾
牧戰伐功桓家靈寶亦何益枉見流星墮水中

中江詩集

卷四

二十八

登石鐘山

踏盡玲瓏到上頭危憑片石俯滄洲天根氣接岷
峨近樹杪聲吞江漢流盡納煙雲歸梵室閣看鷗
鷺戲漁舟昨宵鏜鞳驚高枕信道蒲牢夜出遊

湖口權關蕭采臣侍御招飲卽席有作

頻年民力盡關河估舶魂驚此地過勢控江湖真
險絕行經風雨傍愁多官亭柳絮三春酒客路桃
花萬里波他日九重前席問繡衣封事欲如何

閏三月三日宋大中丞府中夜讌同劉山蔚

諸君用范石湖集中韻

今春勝事賒三已欣逢閨霜臺鼓吹闕蓮幕賓僚
進高館玉琴橫芳筵銀蠟燼名理有劇譚魁柄看
斜運巍巍川嶽崇濯濯風儀俊詞源沛砰磅如瀑
下飛勿短力易諧窳沈吟怖墜陣漸酣胸臆豁作
使雙眉振憑將金石心出與明哲印荷錫清晏嘉
足破窮居慍俛仰神自超憑陵天欲近沾沾露氣
濃漠漠花光暈軫茲幸舍遷稍息征途軻千秋柏
府中著此高閭韻

送劉山蔚歸商邱六首

中江詩集

卷四

二十九

和風吹綠樹攬袂臨高樓高樓頰洪波章水東悠
悠伊人駕言邁日歸尋故邱撫景惜驪駒悵然懷
百憂

憂思來何方踟躕不終讌道存跡自親別促情逾
眷同懷北門懼獨趁南風便珍此金石心永矢貞
勿變

變態如浮雲世事終乖忤采掇昧蘭蕭風塵溷淄
素路傍桃李花何如枌榆樹淥水熙丹崖遐風堪
允慕

允慕亦何窮晨昏念北堂逐鯉赴驚波酩酊佐慈

觴親年在大耄喜懼來無方以我經寸心絜君九
廻腸

腸廻且延佇初日曦中林豈無濟川想時哉方滯
淫黽勉一室歡綢繆千載心仁義爲遠廬如君古
道深

道深真氣流搖筆爲風華朝歡締杯酒暮愁鞭行
車匡山一片雲直接黃河沙黃河去不息離思終
無涯

次中丞韻再送山蔚四首

雙鶴巢邊夢偏教兩地違獨乘青翰去愁對白雲

中江詩集

卷四

三十一

飛酒散薰風閣魂銷返照磯空餘南浦月今夕影
依依

彭蠡春來雁中丞有尺書人逢朱戟外吟共白華
餘薄尙乖時俗深情邁古初誰當念空谷作計挽
行裾

往徃譚偏劇迢迢漏欲分桐花春露滴茶茱夜香
薰舊雨吹臺樹新愁劍浦雲蒼茫千里外水雪淨
思君

欲罷登樓賦鄉心去不留青山游子路明月涉江
舟遠道仍羈旅狂言少獻酬從今增反側天末獨

依劉

中丞府中新闢小亭明淨可適有僧從京邑
至下榻其中啜茗清談欣然賦詩

曲檻茅亭靜不譁僧來真可試茶瓜殘花過雨蜂
鬚濕細柳經風燕尾斜蓮幕晝閑看薜蘿旗門日
落映袈裟嗒焉坐對忘形處疑是柴桑處士家

遣懷一首

最好清和節候交江鄉景物憶衡茅薰風小市櫻
桃籠晴日文梁燕子巢柳下喚漁來北渚花邊攜
妓出東郊而今潦倒天涯夢短榻吟詩自解嘲

中江詩集

卷四

三十一

鄱陽湖中秋歌

明湖素月流金光五峯三疊秋茫茫萬頃煙波身
一葉欲寐不寐心徬徨山川風月奈何許羣籟依
稀夜將午神龍已息雁高飛空濶無人自相語吾
聞水爲天一生悠悠萬古何無情或怒如山靜如
鏡此中消息誰能平去年此夕黃河上去猶孤城
閉煙浪黑風吹沙舴艋愁盪胷九曲天吳壯今來
敷淺原頭宿銀漢光華連地軸秋星數點遠波明
匡山一片無邊綠世途夷險亦何嘗且將清濁看
滄浪龍泉在握不敢試眼底草昧誰分張今宵且

酌今宵酒明朝破浪君知否康郎山下陣雲高千
古征人重回首

長至前二夕集靳明府書屋雷雨交作詩以

紀事

分得一東同集者呂山劉葉桐初姜學
在梅村長李萬資王大席

仙令留賓酒賦雄凝煙宵障望舒宮春槽舊壓蒲
桃綠蠟炬平分鞞鞞紅出海潛蚪崩地軸循巢獨
鶴唳天風驕陽忽沴堅永侯不信葭灰一線通

題靳明府小照

畫遊黃山景

花縣風流正妙年清香燕寢儼神仙何來鶴髮山
中叟勾引先生入洞天

中江詩集

卷四

三十二

黟山雲過海茫茫中有丹砂玉乳香要與明公同
脫帽白鷺峯下試溫湯

庚午

涇縣傅育庵歛縣靳熊封太平對陳廷三明
府枉過草堂奉留小飲

梅花巷陌晚煙清忽賁城隅枉旆旌江上諸侯寬
禮數山中賤子畧逢迎庭篁砌草生春色野嬾邨
童熟令名黃海雲濤水西月一時今夕聚柴荆

同諸公渡江遊桃花塢分賦

得七虞

遲日江村景物殊亂紅深淺映蘼蕪燕牽舟似傍秦

人洞載酒還將玉女壺煙際綠楊藏語笑香邊黃
鳥應歌呼風光若此誰禁得準擬芳遊歲歲俱

舟過方山

曲曲山溪抱水村平沙新雨長潮痕麥苗風裏帆
侵岸楊柳花中人閉門

望鹽官渡

夕陽渡口濶無津流水桃花不見人杳杳青林隔
茅屋一聲黃鳥滿山春

清弋江曉發

新粉墻頭月已西孤篷昨夜宿山谿多年不到清

中江詩集

卷四

三十三

江路又聽深林百舌啼

宿鷹跖磯

水引寒煙夕氣涼松梢蘿月映波光山中不比人
間世陣陣風來草木香

涇川舟中述景美傳大尹

甘雨初收穀雨時農歌處處起東菑千山麥壠翻
文雉萬本茶窠響畫眉客路春帆新水漫人家歸
犢夕陽遲遙知卧閣花深處彈罷鳴琴自咏詩

皖城遇張雪岑別駕譚楚中叛兵之變時予
告歸養乞詩紀事

鄖襄久已烽煙靜江漢驚傳甲馬馳罵賊孤臣君
果壯逆天羣盜爾何知佩刀盡識三公器乞援真
成六月師今日板輿花下樂酒酣莫話亂離時

暑雨後草堂遣興

乳燕低簷入輕雷過院斜乍翻初伏雨已放早秋
花游自今年倦涼因昨夜加團圍小兒女閒坐數
林鴉

贈嶺南毛五采兼送之入京

毛曾任粵西學
博傳將軍辟掌

室記

往昔蒼梧烽火長先生名姓動殊方金尊草檄將

中江詩集

卷四

三十四

軍幕玉塵談經博士堂書畫載來孤舫月兵戈消
盡滿頭霜朱明洞裏煙霞侶底事輕拋入帝鄉

過金陵追悼王璞庵二首

泉下斯人去不回英雄心事總成灰秋風吹落門
前樹日暮孤兒乞米來

六代山川憶舊游故人門徑野棠秋三年不到藤

蕪澗

璞庵
居處

纔到長干淚已流

江舟晚泊

水滿秋江星滿天孤村漁浦帶寒煙長年生怕風
潮起盪入蘆花深處眠

京口追悼黃康謠

又放扁舟下建康
南徐煙草斷人腸
舊遊門巷淒寒雨
如夢江山空夕陽
秋水無情天黯黯
夜臺有恨海茫茫
傷心不忍高樓望
掩泣潛行過射堂

橫塘

姑蘇城外水爲鄉
如此煙波合斷腸
明士女粧消不得
秋風菱葉下橫塘

出胥口望太湖同蔡九霞作

玉柱金庭出絳霄
人間蓬島路非遙
諸峯亂擁青螺髻
一葉斜飛白馬潮
范蠡煙波遊不返
伍胥風

中江詩集

卷四

三十五

雨恨難消片雲只在東西頂
時有仙人跨鶴招

大雨不得登莫釐峯

將軍作靈雨散亂明湖光
一氣無南北諸峯合混茫
松杉失鳥道舟楫冷漁莊
側想最高處悠然瑤草芳

王守溪先生故居

舊業來尋細雨餘
小橋流水映棕櫚
太平宰相文章伯
合在蓬萊閩苑居

翠峯寺

洞庭秋葉下山寺
晚來寒細雨無人
徑青松獨自

看濕煙迷草澤遠瀨合風湍忽送一聲磬蒼蒼水府寬

雨中出東山

白雨作朝煙綠帆掠秋水魚行蘋葉中鳧出蓼花裏可憐笠澤波亦有沅湘芷采采欲忘疲湖風吹不已

舟行蓮葉中二十里戲爲四絕

荷葉亭亭綠風吹不斷香飢鴉銜子去秋雨折蓮房

翠莖泣秋露遙遙憐數葉紅吳娃打槳來蕩漾花西

中江詩集

卷四

三十六

東

一花釀一篷花落蓮心老誰道摘時甘未若開時好

渺渺洞庭波三萬六千頃一花一西施盡作美人影

渡湖至西山投暘塢山閣

無數煙鬟繞翠樓湖光恰對小窻幽千家橘柚參差雨一枕波濤遠近秋靜裡升沈看過雁動中身世驗浮鷗漁翁正有閒簑笠渺渺下西風釣鉤

遊消夏灣

吳業久銷歇故迹已全荒昔時避暑宮蒼蒼蒨葦
長山下多居人作息惟耕桑麋鹿嘯共羣鳥雀隨
風翔美人薌澤痕滋爲秋草芳秋草何悠悠松吹
白露涼側顧采樵子高歌在山岡歌者自爲樂焉
知懷古傷

雨後登縹緲峯看太湖歌

秋雨洗湖湖增波晴嵐片片生巖阿罡風吹上最
高頂老藤芒屨陵嵯峨雲英着衣衫袖濕白日倒
水光相摩七十二峯浮杖底垂手直下援青羸湖
平四面接溟溟樹杪有路通天河涵虛疊浪元氣

中江詩集

卷四

三十七

泄洋洋萬頃無偏頗有時黑風鼓中夜島嶼簸盪
穿鼉鼉有時朝曦淨明鏡青蘋細葉飄紅鷺重華
帝子垂衣治神禹底定曾經過金書玉簡藏山洞
陽侯頰首潛盤渦咸池五車粟靈氣梅梁金鼎同
包羅龍威蝌蚪探不入石林有屋風吹蘿茲峯天
矯近碧落中天一背蹲明駝四萬玻璃插菌萐方
壺員嶠誰爭多凌波髣髴夷光出翠鬢香屨搖煙
莎嘗聞銀漢棲織女又聞湘水來湘娥杳冥恍惚
難具信人間卽此堪婆娑雞犬桑麻自隈隩松杉
橙橘緣坡陀水壺皎皎秋月貯況有鍊笛兼漁箴

少伯風流千古在，餘艤組練咸消磨。何當誅茅向
山麓，傍簷曲曲紫枝柯。左揖東園右角里，御風縹
緲揚清歌。

泛舟大龍山下

落日下湖水，煙生林壑青。寒巖踈草木，深竇隱雷
霆。漁釣人將老，風波客慣經。中宵鱗鬣動，山雨易
冥冥。

曉晴繇明月灣石公道中作

萬木陰森山翠香，山根秋露點衣裳。新梨過雨含
霜白，小蝶穿花抱乳黃。向水人家煙靄出，林雲

中江詩集

卷四

三十八

氣曉蒼蒼，此中徑與塵凡別。一片空明杖履傍。

題明秀閣兼贈主人王叔价

山磴縈紆繡石苔，小樓高對石公開。一峯晴翠當
窻出，兩腋湖光抱檻來。竹裏茶煙喧鳥雀，花間雲
氣接蓬萊。人生若此能終老，東海何須枉溯洄。

石公

峭壁臨湖水，空靈眾籟鳴。鳥聲俱不到，雲氣自相
生。山淨妙香出，松高宿露清。徘徊吾與汝，真足暢
幽情。

歸雲洞

朝看化煙出暮看挾雨歸石房堆不去片片鳥喙
飛

一綫天

一綫納風雲杳冥無昏曉頗憶黃山中枝筇看蘿
蔦

夜遊包山寺四首

層巒圍古寺山氣倍陰森明月漸圓夜孤筇獨往
深數家當谷口夾道入松林雙塔凌空見微聞鐘
梵音

參差明殿閣杳靄掛煙蘿草密鳴蛩穩林深吠犬

中江詩集

卷四

三十九

多香花清上界冷露滴秋河老衲如遙待開扉倚
石坡

小橋跨流水一綫響琤琤暗苔風鈴細遙通石屋
清夜涼交竹氣坐久密山情步履尋源去蒼茫自
濯纓

常聞空翠閣獨抱眾峯幽一榻綠陰滿六時清澗
流登臨近碧落窈窕出丹邱不信人間世今宵宿
上頭

林屋洞

神禹藏書破宵冥松林石屋晚來青高峯不斷魚

龍氣陰壑常霾日月形暗接峩眉通玉壘光涵震
澤洗金庭人間自覺仙凡隔千古靈關那復扁

東園公祠

山多四
皓故蹟

漢皇儲已定四皓來西山天下有長君老翁得自
閒歲時蔬果薦風月嘯歌還湖水沐光容高風渺
難攀

西港觀落照

森森波濤上悠悠島嶼中片雲天目雨落日具區
風積氣浮山白寒光墮海紅飄然羨漁父涼月滿
孤篷

中江詩集

卷四

四十

太湖漁船歌

太湖漁船天下無高桅六道開煙蒲白浪掀天黑
風惡撇網張帆始快樂一網張來直萬錢銀鱗潑
刺高如天漁婦單衫七寸袖朱顏雲髻銀釵溜風
中梳洗月中眠兒女滿舡不記年今朝賣得魚多
少爲儂買繒製寒襖

中秋鳳凰山頂看月醉歌

前年看月在黃河重瞳廟下吹洪波去年看月在
彭蠡匡君一碧天如洗流水悠悠世事同又是平
分秋月中具區光景麗無匹看我長嘯激清風林

屋峯包山寺風濤窈冥何人至日落大海生紫煙
水洗冰輪碾空翠玉餅錯落琥珀紅倒翻一石猶
難醉月是舊時月人猶昔日人踟躕不得豁胸臆
欲鞭赤驥行風輪英雄落魄魄古來有萬里浩蕩隨
天真嫦娥爾若鑿余慄莫笑東西汗漫身

曉起別九霞生歸

花下開帆曙色新秋風回首一傷神看君只在煙
鬢裏空翠分明喚不真

登舟憶山中桂花

過雨晴巒細細風碧林金粟點秋空天香十日盈

中江詩集

卷四

四十一

袍袖疑在清虛兔魄中

伍相國墓

滾滾煙波震澤秋夕陽祠墓瓊松楸山封馬鬣靈
旗展蘚蝕魚腸碧血愁死後難消家國恨生前只
洗父兄讐越王臺殿荆王塚不博胥江土一邱

月夜從橫塘棹舟抵齊門漏已三下戲成五

絕句

姑蘇臺上夕煙微胥母門前水鳥飛真個盪河舡
好坐吳儂一道唱歌歸

月光照水水橫煙處處樓窻人未眠直到南濠盡

燈火珠簾畫舫儼神仙
水上笙歌樹上烏舡舡拍板唱吳趨就中年少鶯
喉好宛轉飄來顆顆珠

櫓聲伊啞亂中流公子銀簫擁莫愁昨日山塘今
虎阜秋宵樂事幾時休

白露溥溥夜已分吳娃歸去濕羅裙最憐齊女門
前路一抹寒煙護水雲

吳門喜遇錢飲光前輩奉贈二首時梓其撰
著諸書告成

厯盡艱危八十春滄桑陵谷等埃塵殘編海上傳

中江詩集

卷四

四十二

遺事

先生著有所知錄
記承歷時事甚詳

碩果人間有逸民粟里歸

來新甲子崖山夢斷舊君臣南轅北轍無窮路只

爲千秋不爲貧

繫馬曾同燕市傍重逢風雨在吳閭青鐙擁絮吟

寒葉白髮看花背夕陽詩易學成真翼聖

則有田
闕易學

鬪春秋編定可書王從今且遂名山願尙父鷹揚

未老蒼

題虎邱二姜先生祠

給事公塚
行人公塚

往事淒涼那可聞漢家名節二難分銅駝草長迷
秋雨金虎祠高出暮雲泪盡墳篋爲許國魂歸箕

尾並隨君生公石上青松路千古遊人弔夕曛

曹子清督蘇州織造投贈二十韻

家世中朝貴箕裘寵命頻一門榮黼黻兩代藉經綸
筐篚金陵舊樞機吳會新垂衣煩聖主補衮屬親臣
內府仙班出南都絳節陳風流誠絕俗偶儻必殊倫
萬里咨籌畫三江協縉紳御香龍冉冉天語鳳諳諳
洵美多才藝能言復雅馴雕虫心作繪繡虎筆如神
妙譽黃初並交期白屋真兩年傷契濶五字失陶鈞
工謝天孫巧家慚織女貧同袍那有客分火孰爲隣
夜月悲絲軸寒煙卷鈞緝市交成貝錦薄俗笑懸鶉
敢傍金貂重聊將蘭茝紉公猷端練達余步且逡巡
密勿台衡借問闔疾苦伸還期沛雨露作使桑麻春

辛未

二月三日同倪軼凡登赭山尋滴翠軒舊址

卽黃山谷讀書處

二月江城暖漸回梅花傍郭幾枝開緣山路八踈
林近訪古人從廢寺來渡水殘鐘煙易合尋巢新
燕語多猜蒼茫翠色連平楚遺跡淒涼付劫灰

春日小樓遣懷

東風吹雨過春山
山色波光宵冥閣
虛閣捲簾雙燕入
小橋繫艇一漁還
全拋書卷縈高枕
細酌村醪駐好顏
歲歲板輿花下樂
慈幃今暫隔鄉關

母爲舍弟
迎養水陽

暮春偶歸里門繇水陽達郡城舟路所經卽

景起興得五言古體四章美翟大尹

陽春殿餘景卉木扇羣芳
山雨滌寒垓川流浩浩茫
茫懷哉舊枌榆塞裳遵故鄉
矯首脊雲岫稅駕指河梁
官路無伏莽田野有耕桑
溯彼黃池波欣欣民樂康

中江詩集

卷四

四十四

停舟河西渚藹藹榆柳垣
井街迷舊蹟鷄犬相騰喧
羣從喜我來牽衣挽行軒
宗老喜我來酌酒申話言
首言膏雨足苗黍殷平原
再言官長好下里無煩寃
旣得保子孫復可娛田園
曷不早歸來水本還
本源再拜謝宗老此語矢勿諉

明發躋前岡遂涉新莊路
黃鳥鳴交交棠梨春向暮
東邨擊社鼓西村洗農具
眾綠漾明流芳堤颺花絮
廻合峽石雲空濛敬亭樹
樵者自爲歌漁者自成趣
此中有樂郊余騁其步

戴星濟澄江達曙踰北城市肆不殊
昔天宇高崢

嶸雜花蔭四術眾鳥相和鳴城中宛旬流汨汨皆
春聲昔爲盈路泥今見徹底清昔者荆棘虧今焉
桃李榮桃李子滿蹊使君美政成

敬亭山遊眺卽事感舊四首

記別山樓二十年重來雲鳥尙依然籃輿人坐干
松頂碧崦茶香四月天細路易迷新雨後孤亭斜
出眾峯前欲尋小謝題詩處合沓深林響杜鵑
開尊坐擁雲齊閣搔首青天踏巨鼇遠近煙扶雙
塔見參差樹湧一峯高欄前鳥語傳仙籟杖底松
風作海濤聞道青蓮看不厭翠巒深處綴宮袍

中江詩集

卷四

四十五

雙溪渺渺眩明霞城郭人煙望裏賒朱戶春殘迷
燕子青山寒盡落藤花雲移遠岫當杯合風偃新
篁壓帽斜景物不殊人漸老幾家池館作桑麻

裙屐追攀有數公晚涼歸路漸溟濛菱塘細雨鋪
新綠麥隴斜陽襯小紅鐘磬依微諸界上樓臺隱
現亂雲中清和節候枌榆美腸斷當年勝友同

癸

丑八月同甬東姚茂蓀商城蕭鶴聞同里唐耕鴻
施愚山諸先生來遊飲譙賦詩今唐施兩公下世
已久空山古道不勝憮然

開元水閣集飲限多字二首

七載重來此風光與舊多鶯聲低媚客山色迴涵

波行徑苔新滑題名石已磨故交欣在眼尊酒且
婆娑

數峯沿水際古木裊藤蘿路失朱門舊花慚華髮
多雞豚歸晚柵鳥雀散高窠莫問開元事淒涼可
奈何

與崔明府索水坑端硯歌

崔公嶺南人曾
任端州學博

天生神物供我輩靈山寶氣蟠光怪玉斧吳剛初
琢成直抉天心穿地肺錦蹙眉紋數歛州沈埋古
獄誰探求徃徃金星燭霄漢豆斑龍尾空千秋漢
祖廟瓦真希罕武昌澄泥多贗款賣履分香吉利

中江詩集

卷四

四十六

兒銅雀零材何足算算來此物稱端溪端溪水清
山骨奇運斤常鑿巨鼈足篝火直洞員海湄下崑
粹品真難覲鵠眼熒熒光四射青花浮動水波明
火捺微紅蕉葉白開採由來任達官中牢先祀斧
柯寒護持特置千夫長方寸難容一士干君曾掌
鐸星巖上名高每致諸侯餉興酣染翰氣如雲方
珪圓璧多奇狀春星前夜綺筵高後堂絲竹交檀
槽女兒香沁葡萄錦鬼子屏縈翡翠翹酒闌乍徹
中庭席細譜嶺南珍異迹鐵網珊瑚俱等閒許贈
虛中一片石世間好尙何足云橫金輦玉徒紛紛

嗜書嗜研擅奇癖富貴於我皆浮雲吾聞此石非
凡英光潤上通牛女精潤能澤物致霖雨光以興
文佐太平古者帝鴻製墨海茂陵馬肝不飢餒我
今欲臨內景書君看書成成五采

寄雲樓觀漲懷愚山先生

三尺黃梅雨雙橋倒急流晴峯雲裏出高浪日邊
浮消息閒能驗經過感未休哲人如可作吾道寄
滄洲

梅耦長下第歸里相晤有作

遂爾經年別思君多苦辛天隅失意日花下乍歸
人謠咏高名忌清狂薄俗嗔相逢聊作健詩酒未
嘗貧

飲耦長書帶園

名園堪嘯咏君到輒招攜老屋數峯出新篁一徑
迷嘉言分左右散帙任高低最愛諸郎好翩翩頭
角齊

開元寺有感而作

景德千年寺先朝詔勅留雨荒舍利塔煙鎖藏經
樓白馬珠林古黃龍貝葉秋開元更浩劫不盡白
雲愁

鼇峯

山城圖畫處勝絕是鼇峯赤壁仙壇出清流雉堞
重月明過鐵笛雲盡見蒼松我亦尋真侶持竿學
釣龍

劉生招飲培風閣因感鄭瑚山司馬鄭公劄
建此閣今下世六年矣

探涼來地勝對酒轉生愁雲樹參差合山溪左右
流清風滿仙館遺愛在高樓最惜賞音處悽其古
道秋

曉起經行竹林下得二絕句

中江詩集

卷四

四十八

斜月疎星點數峯江城樓閣影重重簷簷一派新
秋露獨立科頭聽曉鐘

山寺人稀山徑微涼風輕欲動織衣數聲宿鳥穿
林去一片閒雲帶月歸

諸同人夜飲竹下

懸燈滿修竹人坐綠陰涼岸幘微風過開尊夕露
光鐘魚通靜響肴核得清香頗憶江邊閣深宵擁
笛床

寺寓對雨

一雨洗山寺虛堂枕簟秋雲飛北樓樹水挾雙橋

流梵俱含花靜旃檀入座幽窗前數竿竹終日有
鳴鳩

郭念海明府治蕪一年聲績茂著構息訟亭
于縣治之傍於其落成詩以誦之得五十

韻

郭侯起闕中系出汾陽裔妙年抽藻翰聲譽動幽
薊跌蕩樛杜傍嘯傲終南際詔舉親民司公也應
天吏剖符得區湖是爲上游地江流貫荆揚官道
朔南暨峨觚輻輳齊巨賈絡繹至其民多陸梁其
士切怛怛時制明史
怛怛小刑土瘠人則稠外腴而中悴前

中江詩集

卷四

四十九

賢尙繭絲頗致輿輪沸我侯飛鳥來戴星夜無寐
弗自潤脂膏偏能決老智崔瑗神明宰蔣琬社稷
器不數一縣花詎值百里寄公餘耽諷詠劈箋寫
新製居然組綬榮亦帶煙霞氣山川入奇懷老筆
絕纖麗多士待取裁桃李爭榮遂往者蕪俗漓黠
悍及凋弊兩造禁異同誰能質虞芮一自神君臨
頓令百妖避電掃訟庭煩威行濟以惠官路罾狐
亭申申厲明誓丹筆絕爰書豐碑記緣字刑清狂
狴空化洽桁楊棄履方太邗行績美中牟異本朝
尙循良盤錯別吏治果具卓魯風甄拔以不次吳

公治梁溪

前兩廣總制吳公興
祚起家無錫縣令

黎庶鮮瘠瘁政化

平如水賓從紛如織出忘案牘勞入晰風雅義宋

公判齊安

今江西撫軍宋公
肇起家黃州別駕

一行無事書畫恣

摩挲鼎彝親位置若聞民痾瘵夜思朝決視以此

切天眷超擢歷高位一開豫章府一總兩粵制遂

令海寓間翹首望鞭轡侯也吳宋流足使聲華繼

謳歌滿江介清風滌城肆行當踐台鉉豈僅外臺

貴賤子甫倦遊歸釣中江滋朝峴陌上英暮緱林

間蕙秋露何光華春波自明媚那成白雪謠遂結

青雲契時清隴畝安氣洽縞紵綺野雉何悠悠江

中江詩集

卷四

五十

禽亦嘒嘒父老含哺吟兒童竹馬戲千秋罽茲城

獲有召棠蔽敢希九里潤實藉萬間庇置身絃歌

中耕鑿以卒歲

壬申

花朝游金峩洞

許子載酒同王
內兄郝親家

仙洞雲深小徑通山邨迴薄隱芳叢嫩紅沾濕桃

花雨新綠低迷燕子風濁酒清歌塵世外孤亭野

寺夕陽中眼前親串歡娛地景物真疑太古同

中分村望馬人山

馬首見諸峯作意媚煙景蒼茫嵐翠中時漏碧空

影

宿馬入寺

禪關圍古樹石氣夜蒼涼
月下山徑疎鐘開竹房
身心皈法界燈火靜空王
夢覺諸天寂風吹松葉香

登馬入山

卽五峯山

五峯攢簇互嵯峨策杖探奇此一過
日落下山聞虎豹人登絕壁攬藤蘿
雲中老樹千頭少天外長江一綫多
高處倘能容結宇紗窗直可接明河

郝達三園居

中江詩集

卷四

五十一

城隅開小徑竹色隱山莊
雲卧彈琴館花明讀易床
高言疎禮法密坐洽壺觴
嫵姪過從地忘形春晝長

留別盧鯤浪明府

脫畧忘予拙風流識宰賢
看花春選座留客晚鳴絃
分手又新夏論心自舊年
漸非漢司馬恭敬謬爲先

留別郝王二戚昆季

時歸蕪湖卽東裝北上

歸路卽征路別君如別家
盤餐深地主形影漸天涯
曉月啼山鳥東風吹柳花
最傷送行處同立小

橋斜

揚州觀競渡詞六首

鈔關門外水如煙
簫鼓龍舟尾接連
寶纛朱纓旗五色
蘭橈十二最齊肩

家家商估鬪豪華
夏服都裁漏地紗
油碧小車爭出郭
香風吹出建蘭花

商婦穠纖商女嬌
垂髻粉領忒妖嬈
別憐小婢舡臆立
半臂青絲點翠翹

鼓篷划子快如梭
海錯堆盤金叵羅
聽得鉦聲齊放筋
星眸一翦掠橫波

中江詩集

卷四

五十二

歛縣官人來泛舟揚州
小郎隨出遊舡
舡飲酒舡梢唱艾葉銀絲早
揮頭鹽商多飲縣人年少者皆呼官人奔走者呼爲小郎
繁華真個數維揚
恁的杭蘇足比量
昨日分司公

子至錦纏百萬買新粧

同蔣前民訪閩賓連偕過吳茵次話舊

廿橋明月揚州夢
一覺重來十二年
白髮故人俱健在
名山勝事許同傳
貧甘萃處聯燈火
老厭繁華背市廛
似此經過足幽興
丹榴珠箔影仙仙

端午泛舟遊平山堂

簫鼓出城闌
荻蘆夾溪口
斜侵碧榭煙
漸拂紅橋

柳柳絲濛濛去轉深蘋花菱葉搖波心水調罷彈
白翎雀山光遠逗黑楓林山橋水寺遊人過愛遊
則遊坐則坐我獨支筇去探幽沙屨斜陽影一個
平岡透迤邐麥秋小步山堂最上頭隔江翠岫如
相識十五年中人再遊歲序蹉跎人事改紅燈舊
夢依稀在綵絲靈藥最傷情雷塘一望天如海

憶戊午夏余客廣陵九煙黃先生亦投徒刊上
買舟載酒邀余出鎮淮門見林木深蔚波光明
廻沿河亭榭窈窕皆巨賈遊宴之所酒旗搖曳
雲際有橋宛然如垂虹跨兩涯間卽所謂紅橋

中江詩集

卷四

五十二

也紅藕作花香聞十數里舟蕩漾蓮葉內輿輕
鷗孤鷺相上下至法海寺捨舟而陸行五里登
平山堂左折上觀音閣尋迷樓舊址蒼翠煙靄
中間雷塘玉鈎斜諸勝杳不可辨相與憑弔久
之今日何日鼓枻重來簫鼓依然溪山無恙先
生騎箕天上已將十年青簾白舫猶想見當日
同遊聲貌能無望牛山而興悲過黃壚而隕涕
也哉

泲河舟中

鹿鹿竟何事搖搖不繫舟宵征沙集遠夏旱水程

愁啼笑思兒女艱危望斗牛謀生百無賴痛飲一
消憂

美人升車行戲贈同行陳生

齊甯道中作

曉風吹墮城頭月官堤楊柳明星沒袁子手縮珊
瑚鞭征車遲遲曙不發借問征車遲奈何同行有
客攜姪娥邯鄲陳生身適越千金買得雙翠蛾晚
驛臨風怯炎暑曉粧對鏡慵摩挲煩催不怕侍兒
喚小語常嗔阿姥呵捲簾初舉步輕鞋垂帶揚纖
羅迴頭瞥顧郎春葱扶鬟撩橫波頭上薊髮雙盤
陀足下蹙金文繡靴花顏紅印朝陽酡似行不行

中江詩集

卷四

五十四

嬌透蛇鴉翎小扇輕風多登車微聞玉聲儼郎君
隨之細馬馱文茵綺縠裝兩騾闐闐隱隱音相和
香塵乍起輶騰梭天孫河鼓爭渡河或蔭青槐暝
綠莎風餐暘飲相婆娑我從君行心匪他戲君爲
君歌短歌

將至橫山避雨村庄樹下

遙天閃陰電疾雨駐征車山驛隔數里煙村無幾
廬鶴鳴巢葉下龍氣土膏餘向晚雌霓出蕭蕭沙
路虛

東昌喜遇王省三邀入濮州

相逢真意外並馬帝邛行別人兒童長官閣几席
清管簫良夜飲風雨故人情猶記桃源洞春山共
聽鶯

雨後莘縣曉發趨柳林道中作

盈盈雞三唱灼灼列星光晨風薄炎暑朝雲煥天
章徒御戒徂兩肅肅遵周行積雨成川流平沙颺
汪洋梨棗垂濃陰禾黍抽嘉穰襪襪滿郊遂饁餉
盈筥筐平原無伏莽比戶有耕桑停車野店陰豐
瓜甕紅瓢餽飪裹葱根飢渴生甘香臨風發遠慕
矚景聊相羊卽次多樂郊飄飄違故鄉

中江詩集

卷四

五十五

津門歎

天風吹上海潮急神龍吐雲雲墨色萬艘蟻附如
堵墻愁殺孤舟瞋行客夜深篷窻打急雨舡舻漏
濕憂行旅達官鳴鉦朝放關關吏猙獍猛于虎檢
括那能遺履綦窮搜亦復倒筐筥隻身只索千銅
錢誰其攫之伍伯怒吁嗟乎古之爲關權商賈今
之爲關恣攫取朱衣寶頂者何人汝無多言言禍

汝

入都喜晤馬蘅原新擢禮垣話舊有作

秦淮一別隔黔陽入雒重逢拜夕郎早識名儒工

獻納莫教盛世少封章
螭坳花隱歸仙掖鸞渚風
生集畫堂握手肺肝猶似昔
荷衣愁傍錦衣香

與阮子岳侍御四首

碧梧一葉下我又到長安
每憶新秋別難忘舊雨
懽馬衝燕市暑人傍柏臺
寒好記相思夜傳書幾
度看

故園好風景曾一溯江波
井邑豺狼滿朝廷鶴鷺
多憑誰通問訊每自惜蹉跎
執法君能得理輪望
若何

浪迹真何計茲行不爲名家
增八口累書減一囊

中江詩集

卷四

五十六

輕髀肉消無益頭顱老漸成
天街風雨夜仗爾話
平生

前日徐夫子扶筇到草堂
坐深花檻夕行問繡衣
香老欲謀林壑家偏急稻梁
傳經能記取衰颯賴

扶將

徐程叔先生

贈浦副工

似爾論詩好高吟思轉清
異鄉無別事同舍有深情
卷幕宮雲八嶠杯海月生
問年俱未艾作健立
修名

送人之歙縣因憶昔游

浮邱峯底路我昔到烏聊水色明于黛松聲響似
潮官齋常命酒僧閣記吹簫爲送南征客魂飛練
浦橋

過張鳳舉京邸書屋

靖逆侯第四子

天街槐葉照新秋躡屩重來訪舊游水驛萍踪勞
問訊風簾絮語劇綢繆花間集鳳非凡鳥衣上團
龍是小侯我亦悲歌慷慨士俠腸冰雪羨君優

李大司空醒齋先生招飲

雨過西山積翠開藤陰猶照舊銜杯人從珠箔穿
花入公白金鑿曳履來袖裏天香飄几榻吟邊秋

中江詩集

卷四

五十七

色遠塵埃懸鏡欲話數年事漏轉銅籤未擬廻

雙槐詩

萬馬黃門京邸作

珠市之北玉溝西碎匐戛擊交輪蹶井街橫直屋
櫺比紅塵黑霧相推擠扶輿清淑氣千丈埋沒不
使呈端倪連雲之第耀丹堊往來徵逐羣絡鞆縱
有瓊窗照天竇砌茅拔盡無纖蕙遂使心旌罨野
馬曩年踟躕如醯鷄今秋又挾金臺策黃門折簡
來招攜束竿躡屩戢東舍青青雙影搖璇題莎蘿
彷彿長干寺楊柳想像邗溝隄連蜷在再作意態
上林苑本無差睽合抱久沾零露澤高標足容文

鳥棲左偏一株壯枝幹縱橫倔強誰能稽右株排
墻破空上凌雲頭角奔鯨鯢朝曦移床踞東壁青
蘊錯落篩火齊晚涼過雨向西笑兩龍倒掛青虹
蛻綠陰何處來么鳳青春最好鳴黃鸝吾聞此樹
應虛宿黃中豈許凡木躋子堪服食澤容髣花能
黠染供繪綈端門細搖金屈戍文陛直漾紅玻璃
卽如此室得深蔭爽塏不使圓靈翳鬱儀結隣並
出入有時興滄寒淒淒吐納元氣始何歲秀色一
望迷高低唐省曾聞響絲竹晉廷底事觸鉏麇昔
人種此有深意滄于枉向南柯迷扇雲滅景不可

中江詩集

卷四

五十八

極坐視下土皆塗泥

長歌呈王阮亭先生

時首少司馬

一葉飄墮金門梧昭玉臺下鏤羣駒塵沙滾滾日
晝蔽青蠅越塔營街衢何來欵段骨律兀欷仄向
人人卒瘡跨之不敢逐風蹀麻鞋蹴躡宵中趨詰
朝涼颿蕩堀堞微雨一洗天模糊西山爽撲征人
面拂衣去謁王中樞九命漸專喉舌寄七兵直握
龍虎符職典禁戎守儒素方鞵白袷飄髭鬚別久
尙煩心記憶位高益覺神清臞噫余昔踏長安陌
長安宿老羣招呼敲詩欲犯京兆駕夜飲不怕執

金吾公時鳴鞭出中秘聯吟輒許小友俱架上寶
格紅珊瑚堂前綺席青氍毹大珠小珠齊迸落長
戈短戟紛駢驅擘牋搖筆各異態公獨擁鼻庭東

隅紀律竊怖施學士

愚山侍讀蕭灑爭推高大夫

念東侍耶

廣平雅令

牧仲丞宣遠俊

方山我亦擊案歌烏烏勝

事別來一紀後風流雲散人入殊或升青雲或泥
滓旭也戢影歸蒹蘆江波動山山遶樹漁弋我侶
樵我徒頗經汗漫窮水國亦復窈窕尋仙都俗薄
那能容曠達時艱不得謀妻孥依然落魄走燕市
濁海不放雙青驢紅顏豈比過江舊青春易與隙
中江詩集

卷四

五十九

駒徂龍泉太阿卒未試匣中寶氣無時無匣中寶
氣無時無爲公拂拭休踟蹰

李渭清太史索題雲南典試事遂有此作

詞臣簪筆重明光金馬南來驛路長六詔魚龍收
網絡三秋星斗憶瀾滄夢迴青海冰壺月朝罷紅
蘭畫省香欲識冉龍歸化事相如文教遍遐荒

晤靳東表因懷令兄熊封之任固原

戟門遙傍帝城隈五載人還策馬來舊日鬚眉驚
我老妙年藻翰識君才花間奉母輕軒隱塞上思
兄甲帳開爲問六盤山下信西風鴻雁幾時回

賦得岱雲爲阮亭先生

靈嶽何蒼蒼芙蓉濯朝暉
風吹絳衣遙空乍舒卷
始覺正練浮旋見金翹展
豐澤渙垓塹慶霄恣流衍
瑤草望中深桃花煙際淺
恍覩碧霞君屏翳御香輦
寰劇沾濡天門尙婉變
泱泱太清中吾其瞻絕巘

送吳天章歸河中

爾家乃在中條天半之飛樓
門外九曲崑崙流常年辭家
走寓縣落花飛絮無停留
我家亦傍敬亭雲表之高閣
牕前千頃岷嶓落半生浪跡窮天涯

中江詩集

卷四

六十

海月山風無任着一西復一東
相聞不相見懷抱炯炯三十年
黃金臺下纔披面君是西岐丹鳳雛
予亦東吳汗血駒飛鳴騰達不可致
屏營衢路心踟躕燕市狗屠忒狡獪
悲歌擊筑非吾徒黑霧障重冥
赤文匿光彩秋露泣梧桐秋霜刈蘭蕙
爾今潦倒歸河中我亦浩蕩思江東
青天白雲儘可以垂釣我爾未老且作磐溪翁

嶽蓮先生行

有引

華州張子餘太史其尊人嶽蓮先生以孝廉令福安甫一年聞父訃哀毀七日而歿其遺受猶在人

間福人至今祠祀焉太史徵詩紀事余感先生之
至孝真廉也爲作歌以訟

庶常與我交不薄每話先人淚雙落手抱遺書不
忍言向余東指長溪鶴長溪令君西嶽賢玉井花
開千葉蓮獻賦擬獻天人策讀詩雅讀蓼莪篇采
蘭紉蕙車箱谷處子堂堂無點辱賓筵早達紫泥
書親膳難忘白華曲席珍不望素絲招菽水家貧
轉鬱陶色喜乍分毛義檄之官獨佩呂虔刀海嶠
冥冥遍甘雨却鮪懸魚心倍苦綵戲造牽菜子衣
花開欲滿河陽樹聊耽升斗慰晨昏誰信天摧處

中江詩集

卷四

六十一

士魂慈烏已斷終天夢孝筍空在故里門異域驚
聞腸斷絕水漿不進雙垂血墨綬符鐐夕陽麻
衣直杖埋殘雪孤魂縹緲夜臺傍碓露風枝盡慄
傷天上終成遠膝願人間難覓返生香是時兩地
輻車逐羸得孤兒淚相續絕徼風搖百草悲空山
夜抱黃羊哭四十年來精魄遙豐碑突兀長蓬蒿
那知今日麒麟殿吹上當時鸞鷲毛天心孝感由
來重已見芝生復泉湧丹詔擎來五色光巨靈掌
下封寒壠海上彈琴隔幾時甘棠猶見長新枝大
姥雲深花落處至今人拜嶽蓮祠

阮彝席上送江辰六之解州任時吳天章亦
返蒲州限中條爲韻各賦二首

邊雁入回中秋吹閨風離筵愴衰柳客思警寒
桐傾倒銀餅滌留連畫燭紅先生真好士譚笑忘
高崇

有客去迢遙雲中路一條征鞭懸落日飛蓋入青
霄馬自風陵度仙從姑射招更憐吳季子分手共
今宵

寄張又南將軍泉州四首

環海無波氣稜消七閩兵甲靜青霄風生馬棧寒
中江詩集 卷四 六十二

吹角月照營門晚上潮竹裏清歌飄紫帽花邊小
隊駐金翹元戎緩帶偏瀟灑橫槊吟成氣不驕

憶昔妖星射朔方老臣赤手奠巖疆唐勳信是汾
陽大漢策誰如克國良萬里趨朝心皎皎三邊列
陣氣堂堂將門有將由來舊鐵券重分海上光
聞道當年廷尉平妙年風度水如清君王前席詢
元老公子殊才冠列卿一自龍驤移海嶠頓令鯨
浪息江城錦袍玉節威名盛直是胸中富甲兵

慚予牛渚久棲遲清勝誰聞詠史詩卧讀陰符人
靜後醉看寶劍月明時蜺旌望遠書難問豹畧譚

空數屢奇聽說將軍容揖客百蠻深處寄相思

蔣京少招集古藤書屋同孔東塘陳健夫周
文在分賦

黃葉蕭蕭候雁催良朋高會帝城隈燕山秋擁寒
雲出易水風吹細雨來調合自能歌慷慨氣酣真
欲洗塵埃平津去後藤陰老留與詩人照酒杯

向爲金豈此
相公別業

喜遇馮武若奉使入都事竣卽送還沁州

萍梗嫻親會面難翻于京雒罄追歡夢回鄉話蘿
山杳客散離筵易水寒落日王程愁遠道清時華

中江詩集

卷四

六十三

胄隱微官銅鞮此去千餘里竹馬兒童夾路看

對月

最苦冬宵月燕臺獨客看星稀高樹外雁叫遠雲
端只益冰霜氣誰憐關塞寒故園小兒女鐙火白

團圓

冬至日雪楊芝田宮允招飲

琉璃廠下雪婆娑爲赴嘉招破凍過醉裏流光消
絳蠟吟邊飛絮蘸紅螺陽回玉署芸香發寒傍銅
臺漏點多借問絲綸青禁客五絃弱線漸如何

長至後四日集飲沈客子雪鴻堂客主十四

人用杜詩岸容待臘將舒柳山意衝寒欲
放梅爲韻予拈得梅字

二儀幹亭毒急景爲縈廻日前布緹縵六琯揚琴
灰門閭方戒塗微陽始胚胎幽并氣凜栗鷲鳥多
毳毳雪橫遼后樓雲壓燕王臺終朝坐啾發委縮
如枯荻幾欲騁莊馘空維七尺駮忽念織簾客契
需破風埃披帷一笑粲高鼎蕤灰始綦舄漸紛沓
園按陳罇罍薌脯錯盤釘粗妝蒸玫瑰觴行鮮節
次譚噓兼嘲詠沍寒化燠候凍魄溶春醅獨客有
遐慕眾賓無凡材恨少健步人移置江南梅攀枝

中江詩集

卷四

六十四

嗅蓓蕾噓氣成雲雷

古詩壽合肥李相國太夫人八十

五雲垂金門流景光徘徊丞相有老母上壽稱期
頤賤子忝鄉里再拜前致辭公家廬園城高門世
所希繡旗金絡馬獸符戎錦衣歌鐘前庭列虎枝
後騎隨助德在中朝風雲會轉移丞相遂奮興奮
興芒碭陞二十富文史三十侍彤闈四十周鼇禁
五十亞冢司翱翔遍親切一一稟母儀丞相尙黑
頭今年晉黃扉太母開八秩紫氣盈中馗禴翟耀
珠鈿笄珈象服宜天子臨軒問中宮脫簪貽大官

給蠟臚內府錫瓊麈羣仙奏管籥列卿捧盤匱隆
隆何煌煌簪笏踰軒墀文孫未三十五列金闈
花飄白玉堂接迹升廷階袞衣及繡裳面藥與口
脂父子並承恩俱當壯盛時太母顧之笑扶杖相
娛嬉青鸞當中央朱鳳傍輝輝一雛絢九苞一雛
相隨飛堂上五嶽圖南嶽何崔巍中有冠帔人絳
節垂明璣廻身問太母前身是耶非

臘月廿六日阮亭先生招同曹實菴謝方山
兩員外孔東塘博士馮大木舍人蔣京少

司馬讌集用夜闌更秉燭爲韻各賦五首

中江詩集

卷四

六十五

戚戚意鮮悰悠悠歲將謝招攜暱舊歡休沐乘新
暇薄帷蔽緇塵芳椒錯盤炙枌榆豈不懷深情豁
遙夜

繁星掛郭郭驚風振林巒征雁有遐響高雲無近
觀欸欸孤貉温悽悽徹緼寒金屏照紅爐肯放杯
筓闌

年往蹙時艱歲寒知風勁風勁驗松聲時艱貞容
性常懷維下音頗洽梁間詠清譚意未消高會筵
已更

上駟喧庭除峩冠切雲景賢主亞中臺嘉賓盡華

省微軀辱泥塗托興本箕頽竭來津已疲歸去未
堪秉

忘形劇勞愛承顏懽嚮矚芳馥眷風徽纏綿結衷
曲勿言斗酒曾彌覺寸心篤迢迢天雞唱啟戶廻
明燭

除夕惠元龍太史招同傅功諸君子守歲卽
席二首

邸舍長筵接招邀日暮時官貧還念客歲盡且論
詩爆竹天街靜金尊夜漏遲因君重風義譚笑却
鄉思

中江詩集

卷四

六十六

入座皆吳語登朝尙素風盤餐鄉味得時序客心
同春逼銀屏外寒消絳蠟中來朝紀雲物如願是
年豐

癸酉

入日過陳健夫西峯草堂分得八齊

同東塘京少

御街冰暖化春泥蹠躩芳郊信馬蹄晴樹遙籠金
關外草堂斜隔玉溝西紅塵路迴宜招隱綠蟻杯
寬有杖藜不羨靈辰矜綵勝裁詩偏許傍幽棲

早春訪索素庵于海淀別業次京少韻四首

太液初波嫩色融水雲迢遞去無窮巾車隨意能

驅遣况有伊人御苑東

赤闌橋畔歇鞍韉樓外千秋綵線懸綠野風光須
記取鏡中百道玉山泉

承恩朝暮走鋒車錦帳貂衣侍翠華日午宮門初
下直卷簾清咏睡香花

水雪平生樂縞綦上林繁會願何遲相如舊有凌
雲賦可奏君王遊獵時

浮邱行祝曹實庵六十

時從新安郡丞遷戶部員外

黟山名峯三十六窈窕秀拔推浮邱鼎湖一去五
千載仙跡徃徃窮雕鏤曹公分符出其下七年沐

中江詩集

卷四

六十七

浴仙家樓丹砂石乳佐服食琪花瑤草垂春秋一
線白雲幻天海萬仞高壁凌滄洲身輕不作宰官
相骨重豈是煙霞儔昨朝丹詔九重出天門一騎
紅塵疾待漏晨披貂氈衣算緡夜啟芝蘭室春風
嬾踏金盤陀寒月偷揮銀不律篋中尙有叅同書
肘下似挾飛昇術我久別公公益豪官貧未覺心
勞切姿容皎欲欺冰雪呼吸身將化羽毛雲錦朝
衫舊方領烏絲水調新檀槽能致翩躚松缸鶴亦
攜狡獪蓮峯獠人間甲子輪吾輩天上神仙誇爾
曹他日功成拂袖過浮頂拍肩還弄三十六峯濤

送紀明府赴燕湖任

吳波迢遞動江城，仙令翩翩擁旆旌。
萬里春潮多估舶，四時煙郭有農耕。
琴床日暖花鈴護，廳事人稀鶴徑清。
家在東臯勞問訊，兒童終日閉柴荆。

燕九竹枝詞

有序

京師以正月十九日爲燕九之會，相傳元時邱長春于此日仙去，至今遠近道流皆于此日聚城西白雲觀，觀卽長春修煉處也。車騎如雲，游人紛沓，上自王公貴戚，下至輿隸販夫，無不畢集。庶幾一遇仙真焉。古時都會之地，元日至月晦，士女悉集。

中江詩集

卷四

六十八

水湄湔裙酌酒以爲解除，唐人唯于晦日行之。燕山風沙莽蕩，首春率多嚴冷，水車雪柱太液無波，度水濡裳之戲不可復得。唯燕九之遊，差有昔人遺意。是日爲陳子健夫見招走馬春郊，開筵茅屋，命簡抽毫各爲十絕句，雖難叶于巴渝之歌，或有合于吳趨之節，但按之琵琶羌管，恐未有當耳。詩

庚子山結客少年場
春風滿路香爲韻

城南狹邪車，鞞結城西門。
外沙如雪皎，春才過踏燈行。
更好嬉遊燕九節。

青驄油壁闐街陌，羅綺香風嬌絡繹。
年例傾都盡

一行白雲觀裏尋僊客

誰家兒郎絕纖妙馬上探丸花裏笑翠袖妖嬈得
得來星眸偷擲輪年少

五劇三條乍暖天一重塵起一重煙路傍故老傳
遺事猶說元朝至正年

秧歌初試內家粧小鼓花腔唱鳳陽如蟻遊人攔
不住紛紛擠過蹴毬塲

神仙端的是誰人笑殺黃冠羽服身一片軟紅迷
去任白雲何處覓長春

鞭梢亂點出衙衙道遇諸王一陣風孔雀金翎圍

中江詩集

卷四

六十九

小隊珠鞍寶馬坐當中

玉河水泮春雲滿橋上人歸歌緩緩車中打出十
番新日暮影斜聲未斷

昨朝海淀城西路爭看君王開火樹今日齊來彰
義門游絲又絆春人住

燕山正月春茫茫都道他鄉勝故鄉那比江南江
水上綠波雙槳野梅香

按陶九成輟耕錄所載大宗師長春真人姓耶

氏名處機字通密號長春子登州棲霞縣濱都

里人也祖父業農世稱善門金皇統戊辰正月

十九日生生而聰敏有日者相之曰此子當爲
神仙大宗師年十九辭親居崑崙山修真金主
召見闕下隨還終南元太祖平燕後金主奔汴
再召不起宋主召亦不赴元祖遣近侍劉仲祿
持手詔致聘乃北行至燕進表陳情召見行在
問荅稱旨賜號神仙爵大宗師掌管天下道教
奉詔居太極宮丁亥七月九日留頌而逝年八
十與世所傳至正正月十九日升仙者不同因
附載于此

冬郊調馬圖沈客子索題小照

中江詩集

卷四

七十

朔風獵獵竿旌揚雪雲壓天天昏黃彼何爲者漫
山岡蕭梢駿尾驕騰驤蹴踏衰草鳴枯桑從奴三
五如奔狼手抱繁弱腰魚腸海青在鞞籠在傍翦
頭吳雞毗怒張左牽右挽身手強就中羣馬一馬
良文鞞寶勒金琅璫風髮搖蕩三花光鏤衢照耀
飛禽翔俞騎前披鐵襴襜罄控不司鞭梢長赤汗
歎出真珠香上跨長身白面郎瓊笠覆額顴骨昂
髭鬚纂纂微而蒼手按繡帶飄絲韁火鼠蒙茸煖
不涼驅光逐景神洋洋胸羅珠斗瓊琚鏘雄姿倣
儻真非常欲超汗漫窮遐荒金甌滿酌葡萄漿鼻

端出火晴生芒一發欲殪雙黃羊攫身側臂同鴉
鷄狐兔辟易魍魎藏大笑六合皆糝糠書生此願
非荒唐我亦從今思樂方直薄大宛追渴羌坐致
汗血歸天房

花朝前一日家杜少編修招集崇效禪寺同

李漁村侍讀龐雪崖工部張鳳舉明府雪

鳴上人分賦

得十
五歲

芳郊蹀躞試春衫人到珠林馬卸銜照日名花香
旖旎翦雲新燕語呢喃行厨炙美鑿刀縷禪榻塵
清貝葉函最是憑欄吟賞夕罽罽紫氣護嵯巖

中江詩集

卷四

七十一

張振六通政復招集崇效寺閣同張厓湖太

史于章雲中翰程漁山太學令弟鳳舉雪

鳴上人分得

十
蒸

雅會連朝得未曾梵王樓閣此重登雲中飛蓋聯
金絡花外清歌待玉繩北關寒消春澹蕩西山煙
合氣憑陵倚欄醉欲攀牛斗身到諸天第幾層

安郡王昆玉席上應教二首

同孔尚任蔣景
祁陳曾彝周南

柯煜朱
襄徐蘭

王家邸第接金臺春色瓊筵帶雨開花下日華邀
翰墨燭邊雲母映尊壘麟遊聖世真難隱鳳吹清

宵未擬廻自是玉林多異質
凡材洵愧列鄒枚
平生踪蹟混樵漁
豈向清塵望屬車
執策乍容叨
奉引無才那敢藉
吹嘘分茅體重連
枝舊設體情
深受簡初已辦青鞵
歸碧嶂三雍宮畔暫踟躕

一百五日麗雪崖水部再招集崇效寺同諸

公步至棗林看杏花分得十一尤

清明時節底禁愁
古寺青郊三復遊
五里飛來紫
叱撥一聲叫出黃
粟留杏花歷歷照
茅舍芳草萋
萋生沃洲
半醉春風扶短杖
軟紅不到清泉流

是日復集沈客子宅分得十一真二首

同東塘京

中江詩集

卷四

七十二

少健夫天石叔毅次厚鳳舉
南陵文聲簷皇竹西厚餘

暖趁花陰會
閑偷帝里春
雲沙低照眼
榆柳遠迷
津絳蠟明相待
朱顏醉已頰
吾儕有底急
只合聚
芳辰

令節年年客
芳筵處處身
似予牢落久
識爾性情
真接騎喧花
砌傳觴澹錦茵
中宵聞別調
聚散各

沾巾

時京少將歸宜興客子將
歸平湖叔毅將往濟南

送王清遠之荏平學博任

阮亭先生長君

烏衣門第盛諸郎
玉塵初開博士堂
千里嘒礲分
嶽色一庭苜蓿帶
花光春風綵服情
偏切舊物青

毡興不忘安得與君同作劇瑯琊大道醉傳觴

送汪晉賢之桂林別駕任

春風楊柳短長亭送客勞勞醉未醒萬里蠻江驅瘴癘千聲啼鳥過簾籠靈巖花發行旌麗湘水潮來卧閣青自是安西耽嘯咏桂叢深處試揚鈴

送沈咨子歸當湖

江左詞人去不留休文今亦下河洲御街楊柳三聲笛故國薜蘿百尺樓鴛水月明懷舊侶燕山花落動春愁不堪南渚思歸客獨向金門咏劄緱

傳經堂詩爲卓火傳作

中江詩集

卷四

七十三

水德相推運百家歸秦燔街市無偶語法令多煩
寃炎興拾餘燼六經稍已翻更歷十七劫如草益
滋蓄學士縱簧鼓大小錯卮言譬彼濫觴流誰能
挾其源褒德有退裔累世華朱輻哲胄接跡升塘
棲條葉繁亂後通儒留遯跡于邱樊滿籬何足顧
墳籍矢勿諉煌煌先聖書歷歷剖籬籬誰操入室
戈咸奉馬上韃築堂堂斯成白茅繚周垣門外大
河流朝夕何清浚文禽狎游泳花月爭嬋媛子能
稟家訓孫亦奮高騫絳紗下生徒照眼皆璵璠因
君訛真義要言良不煩

奉和安郡王過魏忠賢逆墓感憤之作原韻

八首

神光接迹鼎湖游竊國紛紛等竊鈎奸魄久成荒
草夢豐碑猶帶野原羞鼠狐齧骼真何在龍虎江
山事已休曾讀吳儂臚筆記頌天想見舊凝旒

吳門

金日升著有
頌天臚筆

舊簡青鐙飲恨長宵人終古悞君王戮番總望貂
璫氣挾媚潛施粉黛香黥妖星遮北極幽幽燐
火遍中唐慨從鈎黨興羅織已識明時祚不昌

日落虞淵挽未能羣公慷慨力難勝官闈寵被青

中江詩集

卷四

七十四

鋒毒奸慝名羞白簡登食月妖葦真滓穢負隅乳
虎縱憑陵乾兒假子終無賴抨擊爭如百中鷹

三案紛紜事枉然刑章要典至今傳交深崔魏乾
綱亂寃構熊王貫索連煬竈灰將迷赤地燎原火
欲煽高天福清那有匡時畧輸與諸生識最先

子圖

生茅維先事上
書業相不能用

堅冰誰戒履霜行白日青蠅滿禁城敢諫爭憐楊
伯起同心不少竇游平一時瀕洞昏王室千古凄
涼泣御塋張角兵來炎漢盡至今贏得顧厨名
聞道豺狼逼近郊處堂燕雀尙爭巢趙燒禍烈終

移祚段頗機深孰解嘲代邸迎來雷電疾虞廷凝
望地天交那知城社傷殘極無復忠良在草茅
朱明一線漸市微鳳閣鸞臺萬事非握爪穿宮傷
地脈駢肩棄布仗天威縱看北闕浮雲散已覺西
山赤日達白馬清流無限禍伊誰先事釀危機
當年朝野寐無訛摺據其如聽記何俠客義因投
袂起忠臣血是濺衣多濫叨五等廢封爵浪說三
邊費枕戈賸識刑餘殘塚在千秋遺恨指荒坡

素庵留飲晴雲書屋分賦

罷直懸珠箔留賓藉碧苔晴空雙鳥下晚景數花

中江詩集

卷四

七十五

開暖入櫻桃讌香生琥珀杯適聞中使至親捧蔗
漿來

送孔博士尚奉使歸闕里墓

御書萬世師表扁額

黃虞久不作周道蕩無章上天眷蒸民麟書
遂降祥往古與來今千聖及百王陰陽繫樞
鈕天地司紀綱弛肩昇哲人擔荷躬所當遂
抉混沌鑰萬古開聾盲叶暴秦燔六籍漢興
稍修明千九百年間俎豆厯增光闕里高峩
峩泗水流湯湯道德所遐被中土迄要荒昭

代尙文治典禮爭喬皇前年駕六飛駐蹕尼
山陽釋菜覽車服明憲薦馨香顧瞻臺殿陰
棖桷多圯傷爰綴內府金增輝數仞墻楣棖
皆煥發丹萼相焜煌齋居灑宸翰擘窠廟
龍翔懸之采厠間燦若星雲張師表在萬世
皇心垂無疆辟雍首善地尙未睹光鐸
帝曰汝尙任朕命汝肅將汝祇汝祖德汝往
梓桑八法試雙鉤一一須精詳維時屆新秋
雨露多汪洋高旌裝大艦雙鉦戒前行盤螭
兩金牌照耀東魯傍冠珮何媿媿鐘鼓何鏗

中江詩集

卷四

七十六

鏗叶祖聖雲孫賢前美後斯揚卿其早來歸

天子開明堂

贈家紫臣職方

源同汝水得分流江左難爲洛下儔樞省風雲盤
碣石郎官星宿動吳鉤龍山舊直花磚夕虎旅新
司鐵騎秋我欲深林歸散髮家風雅正識君優

與馬給諫

左掖丰裁北斗懸交深車笠讌遊偏閉齋對酒風
生座短榻論心月滿弦仙露盈盈沾客佩天香冉
冉趨歸鞭雙槐樹下題詩處燕甸秋星又一年

送沈員外權闕蕪湖

頻年蠲賑出朝端
闕市譏深力未寬
吳楚煙波愁估客
津梁風雨望郎官
燕山雁度星軺遠
靈澤蠙鳴水驛寒
江畔茅堂洲畔月
漫憑旌節報平安

奉和安郡王送朱贊皇南歸韻

魚莊鱉舍未全非
一葉秋風把棹歸
吳地煙霜人自遠
梁園賓客夢多違
西山返照雲生樹
南浦寒潮月上衣
我亦因君鄉思切
揚鞭明逐蚤鴻飛

送梁贊人往秦中

冀野雲連鄠杜秋
送君西上路悠悠
出關百二瞻

中江詩集

卷四

七十七

河華去國三千望
斗牛處士終南無
捷徑故都清渭有
寒流唐陵漢寢皆
陳迹禾黍斜陽渺
渺愁

後序

唐代假有韻語以程士而撫鬚踏襲之彥畢竭其聰明才智以赴之其學遂稱極盛顧杜少陵龍文百斛健筆獨扛挾其才能不得一當於時豈信乎詩人之窮如歐陽子云云耶我咸中江以詩名噪於世一硯自隨轍滿天下客燕京者五遊西江者再南車百粵東棹武陵其間名公巨卿如徐徕菴湯潛菴韓慕廬諸先輩皆降心訂故若陳檢討投箋問道宋司空促膝聯章至如我鄉愚山晴巖雪坪先生輩莫不契合金蘭相爲虛左假令真諸周

中江詩集

卷四

行得以一展其才將待詔承明以發其清廟和平之詠必重有所裨益而徒以所如不偶潦倒於荒江老屋間日握寸管抒寫其窮愁懣懣於放懶之餘雖刻蕉畫柏差足自娛而拾椽採苓不黷以自戚乎檢其詩之卓然可存者自甲寅以至癸酉二十年間凡贈別之章遣離之句散失流布不可復還而所得釐訂而錄之稿者什不及五六焉愚山先生嘗論其概曰中江古體奔軼絕塵汪洋適已五七律如叩鯨鐘而搥鼉鼓而諸絕則葉滿空山難尋行跡固當於漢魏以來作者自樹一幢由是

觀之中江可以傳矣窘隘生前名傳身後其輕重
榮辱何如也余懼存稿久而散佚因偕族人彙而
刊之凡若干卷古人得失寸心知往往自爲刪定
不待知已而同學之鑒其苦心者搜討評論不爽
銖黍惜乎中江之賚志也旅舍蕭條里門耆舊都
已凋謝無從商確篝火雨窻楓青路黑中江魂魄
依依此稿如聞颯然歎息之聲也其亦可悲也夫
乾隆丙寅嘉平月叔氏泮撰

中江詩集

卷四

後序

昔摩詰樂章集之以弟縉供奉草堂集序之以族叔陽冰猗那五篇宣聖刪詩次於魯頌家庭表顯亦君子所不嗤也吾宗中江公雄於詩與同鄉施愚山高阮懷梅雪坪諸先生樹幟騷壇而賁志以歿其從弟漢公以公紀年稿哀集授梓未果後五十年公之族叔星脈始謀諸宗老得付剞劂洎咸同之世粵寇蹂躪板燬於兵今年家乘蕝事謀重鐫公詩而殘篇斷簡幾不可得邑人章淮州先生聞之以是編相遺雖獲自兵燹灰燼之餘而卷帙

中江詩集

卷四

完全爲之驚喜復梓而行之於戲流俗無識元文覆瓿使當時不遇先生則篇章散失逸不傳矣使先生非憐才而藏弄之將痍蝕蠹飽數十年來亦漫漶不可讀矣然則是編之授先生并得先生之珍惜是編會逢其適詎非公之精英猶爲呵護耶因思當公之世寵榮赫奕有百倍於公一旦聲斷影滅寂寂無傳者何可勝道我公以布衣歿幾二百年而吉光片羽之珍猶得壽梨棗以垂不朽又想見文字有靈固不若富貴浮雲儵忽就盡也他日或有仿韋莊請贈不遇才人以慰泉壤執此以

爲公券可乎至其詩悲壯雄渾足與作者抗衡原
序中論之已詳故不復贅云

曾

光緒辛卯仲冬

侄曾孫克仁識於紫瀾書屋

中江詩集

卷四

二



